

ხელშეკრულება საქონლის შესყიდვის შესახებ #60-7-221-468

ქ. თბილისი

18.05.2021წ.

I. მხარეები

წინამდებარე ხელშეკრულება დადებულია 2021 წლის 18 მაისს, ერთი მხრივ სს „საქართველოს სახელმწიფო ელექტროსისტემა“ (შემდგომში „შემსყიდველი“), წარმოდგენილი მისი მმართველთა საბჭოს წევრის დავით ვარდიშვილის (მინდობილობა #200878077) სახით და მეორეს მხრივ შპს „დი ეს“ (შემდგომში „მიმწოდებელი“), წარმოდგენილი დირექტორის დავით სეჩანიას სახით, შორის, რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

II. ხელშეკრულების საგანი

2.1. „მიმწოდებელი“ ვალდებულია „შემსყიდველს“ მიაწოდოს ელექტრო სამუშაო იარაღები (CPV კოდი 42630000, 42650000) დანართი #1-ის (ფასების ცხრილი) და დანართი #2-ის (ტექნიკური პარამეტრები) შესაბამისად.

2.2 დანართი #1 და დანართი #2 წარმოადგენს წინამდებარე ხელშეკრულების განუყოფელ ნაწილს.

2.3 წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის ე) ქვეპუნქტის შესაბამისად.

III. საქონლის ღირებულება და ანგარიშსწორების პირობები

3.1. საქონლის საერთო ღირებულება განსაზღვრულია წინამდებარე ხელშეკრულების დანართი #1-ის (ფასების ცხრილი) შესაბამისად და შეადგენს **31537,86** (ოცდათერთმეტი ათას ხუთასოცდაჩვიდმეტი ლარი და 86 თეთრი) ლარს დღგ-ს ჩათვლით (შემდგომში – „ხელშეკრულების ღირებულება“). ხელშეკრულების ღირებულება ითვალისწინებს ყველა ხარჯს, მათ შორის შემსყიდველის მისამართამდე (ქ. თბილისი, ქინძმარაულის ქუჩა #29 სს „სსე“-ს მატერიალურ ტექნიკური ბაზა) ტრანსპორტირების ხარჯებს, აგრეთვე მოქმედი კანონმდებლობით გათვალისწინებულ ყველა გადასახადს.

3.2 ანგარიშსწორება განხორციელდება სრულად მიწოდებულ საქონელზე ან/და საქონლის მიწოდების დასრულებისას ფაქტობრივად მიწოდებულ საქონელზე, საბოლოო მიღება-ჩაბარების აქტის გაფორმებისა და საგადასახადო ანგარიშფაქტურის წარმოდგენიდან 8(რვა) სამუშაო დღის განმავლობაში.

3.3 მიღება-ჩაბარების აქტის გაფორმებიდან ანგარიშსწორებისათვის განსაზღვრული ვადის დადგომამდე საქონელზე აღმოჩენილი ხარვეზის ან/და ნაკლის არსებობის შემთხვევაში, „მიმწოდებელი“ ვალდებულია „შემსყიდველის“ წერილობითი შეტყობინების მიღებისთანავე გონივრულ ვადაში, მაგრამ არაუმეტეს 30 (ოცდაათი) კალენდარული დღის განმავლობაში, საკუთარი ხარჯებით გამოასწოროს აღმოჩენილი ნაკლოვანება ან წუნდებული საქონელი შეცვალოს ახლით. წინააღმდეგ შემთხვევაში აღნიშნული დაყოვნება ანგარიშსწორების პროცესს იმ ვადით, სანამ მიმწოდებლის მიერ სრულად და ჯეროვნად არ შესრულდება ამ მუხლით განსაზღვრული ვალდებულება;

3.4 ანგარიშსწორება განხორციელდება ლარებში უნაღდო ანგარიშსწორების ფორმით.

IV. მხარეთა უფლება-მოვალეობები

4.1. „მიმწოდებელი“ მოვალეა:

4.1.1 გადასცეს „შემსყიდველს“ საქონელი ქარხნული, ექსპლუატაციაში არმყოფი (არ უნდა იყოს აღდგენილი და მეორადი).

4.1.2 საქონელის მიწოდება განახორციელოს წინამდებარე ხელშეკრულების დანართი #1-ის (ფასების ცხრილი) და დანართი #2-ის (ტექნიკური პარამეტრები) შესაბამისად.

4.2. „შემსყიდველი“ მოვალეა:

4.2.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;

4.2.2 შეამოწმოს საქონლის მდგომარეობა ვარგისიანობაზე;

4.2.3. წერილობით შეატყობინოს „მიმწოდებელს“ მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

V. საქონლის მიწოდების ვადა და ადგილი

5.1 საქონლის მიწოდების ვადაა ხელშეკრულების გაფორმებიდან არაუმეტეს 30(ოცდაათი) კალენდარული დღე.

* საქონლის მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა). თუ საქონლის მიწოდება დაემთხვა არასამუშაო დღეს, მიმწოდებელმა საქონლის მიწოდება უნდა უზრუნველყოს მომდევნო სამუშაო დღეს.

5.2 საქონლის მიწოდება უნდა განხორციელდეს შემდეგ მისამართზე: ქ.თბილისი, ქინძმარაულის ქ. #29.სსე-ს მატერიალურ-ტექნიკური ბაზა.

VI. გარანტია

6.1. „მიმწოდებელი“ იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს.

6.2. შესაბამისი ექსპლუატაციის პირობებში „მიმწოდებლის“ მიერ მოწოდებულ საქონელზე (გარდა წინამდებარე დანართი #1-ს (ფასების ცხრილი) პოზ#3 -კომპრესორის პულივიზატორი და პოზ#4 კომპრესორის წნევაგამძლე მილი) საგარანტიო ვადა არის მიღება-ჩაბარების აქტის გაფორმების დღიდან 1(ერთი) წელი.

6.3 საგარანტიო პირობებით განსაზღვრული მოთხოვნები, ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა;

6.4 საგარანტიო ვადის განმავლობაში გამოვლენილი რაიმე ხარვეზის ან შეუსაბამობის შემთხვევაში, მიმწოდებელი ვალდებულია საკუთარი ხარჯებით უზრუნველყოს საქონელზე გამოვლენილი ნაკლის/ხარვეზის აღმოფხვრა შემსყიდველის მიერ განსაზღვრულ გონივრულ ვადაში, მაგრამ წერილობითი შეტყობინების მიღებიდან არაუმეტეს 10(ათი) კალენდარული დღის განმავლობაში, ან წუნდებული საქონლის შეცვლა, შემსყიდველის მიერ განსაზღვრულ გონივრულ ვადაში, მაგრამ წერილობითი შეტყობინების მიღებიდან არაუმეტეს 30(ოცდაათი) კალენდარული დღის განმავლობაში, შემსყიდველის მხრიდან დამატებითი დანახარჯების გაწევის გარეშე;

6.5 წუნის/ხარვეზის/დეფექტის/გაუმართაობის შემთხვევაში საქონლის ტრანსპორტირება უნდა უზრუნველყოს მიმწოდებელმა.

VII. მხარეთა პასუხისმგებლობა

7.1 „მიმწოდებლის“ მიზეზით საქონლის დაგვიანებით, არასრულად, ხარვეზითან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადა გადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.2 ამ ხელშეკრულების 7.1 პუნქტით გათვალისწინებული პირგასამტეხლო „მიმწოდებელს“ გადასახდელად მიმწოდებელი არ გამოასწორებს საგარანტიო პერიოდის განმავლობაში გამოვლენილ ხარვეზს ან არ შეცვლის საქონელს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის/საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/საქონლის შეცვლის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება.

7.3 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადაგადაცილებულ დღეზე წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება.

7.4 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება ანაზღაურონ იყენებული ზარალი სრული კანონმდებლობით დადგენილი წესით. ზარალის ანაზღაურება ან მისი მოთხოვნა არაჩერებს ამ მუხლით გათვალისწინებულ პირგასამტეხლოს დარიცხვას.

7.5 „შემსყიდველი“ უფლებამოსილია ფაქტიურად მიწოდებული საქონლის ღირებულების ან აზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის

ელექტრონული ტენდერი (SPA210000751) სსე-სათვის ელექტრო სამუშაო იარაღების შესყიდვაზე. მიმწოდებელი შპს „დი ეს“

ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 7.3 პუნქტით გათვალისწინებული პირგასამტეხლოს დარიცხვის საფუძველი.

VIII. ხელშეკრულების შესრულების კონტროლი

8.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე.

8.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტისა და ნაკლის აღმოფხვრა.

8.3 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ სამშენებლო სამუშაოების წარმოების განყოფილების უფროსი სპეციალისტი მირზა სართანია და ელექტროენერგიის აღრიცხვის ლაბორატორიის უფროსი ვახტანგ გედევანიშვილი.

8.4 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

IX. ფორს-მაჟორი

9.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

9.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

9.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

X. ურთიერთობა მხარეებს შორის

10.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან /და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით.

10.2 შეტყობინება შედის ძალაში ადრესატის მიერ მისი მიღების შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

10.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

XI. ხელშეკრულების პირობების შეცვლა და/ან ვადამდე მოშლა

11.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე.

ელექტრონული ტენდერი (SPA210000751) სსე-სათვის ელექტრო სამუშაო იარაღების შესყიდვაზე. მიმწოდებელი შპს „დი ეს“

11.2 სახელმწიფო შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა.

11.3. ხელშეკრულება შეიძლება ვადამდე მოიშალოს:

11.3.1. მხარეთა შეთანხმებით;

11.3.2. ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში;

11.4 „შემსყიდველს“ შეუძლია ხელშეკრულება ვადამდე შეწყვიტოს:

11.4.1. თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

11.4.2. „მიმწოდებლის“ გაკოტრების შემთხვევაში;

11.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბიალმომჩნდება, რაც წარმოადგენს, „შემსყიდველის“ მხრიდან ნდობის დაკარგვის საფუძველს.

11.4.4. საქართველოს კანონმდებლობით გათვალისწინებულ სხვა შემთხვევებში.

11.5 ამ მუხლის 11.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიწოდებული საქონლის ღირებულება.

XII. ხელშეკრულების შესრულების შეფერხება

12.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

12.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

XIII. დავათა განხილვა

13.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

13.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

XIV. შესყიდვის ობიექტის მიღება-ჩაბარების წესი

14.1 მიღება-ჩაბარების აქტი ფორმდება საბოლოოდ, სრულად ან/და მიწოდების დასრულებისას ფაქტობრივად მიწოდებული საქონლის შესაბამისად. საქონლის მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა).

14.2 საქონლის მოწოდებისას „შემსყიდველის“ მიერ წინამდებარე ხელშეკრულების 8.3 ქვეპუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან, ხარვეზების (წუნდების) არარსებობის შემთხვევაში ფორმდება მიღება-ჩაბარების აქტი ფაქტიურად მიღებული საქონლის მიხედვით „შემსყიდველსა“ და „მიმწოდებელს“ შორის.

14.3 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისგებლობა საქონელზე გადადის შემსყიდველზე.

14.4 მიღება-ჩაბარების აქტის ხელმოწერაზე უფლებამოსილ პირად განისაზღვრა სსე-ს შესაბამისი მმართველთა საბჭოს წევრი ან/და შესაბამისი დეპარტამენტის უფროსი.

ელექტრონული ტენდერი (SPA210000751) სსე-სათვის ელექტრო სამუშაო იარაღების შესყიდვაზე. მიმწოდებელი შპს „დი ეს“

XV. ხელშეკრულების მოქმედების ვადები

15.1. ხელშეკრულება ძალაში შედის მხარეთა მიერ ხელმოწერისთანავე.

15.2. ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს 2021 წლის 30 სექტემბრის ჩათვლით, ხოლო საგარანტიო ვალდებულებების ნაწილში საგარანტიო ვადის ბოლომდე.

XVI. ხელშეკრულების სხვა პირობები

16.1 ხელშეკრულება შედგენილია ქართულ ენაზე.

16.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობისთანახმად.

16.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმცოდნეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე.

XVII. კონფიდენციალურობა და გაუმჟღავნებლობა

17.1 მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/შესყიდვები/კონტრაქტის პირობები).

XVIII. მხარეთა რეკვიზიტები

„შემსყიდველი“:

სს „საქართველოს სახელმწიფო ელექტროსისტემა“
ქ. თბილისი ბარათაშვილის ქ.#2

„მიმწოდებელი“

შპს „დი ეს“

ქ.თბილისი, გლდანის მასივი, მიკრო/რაიონი VII, კორპუსი 9ა, ბ.55

ს/ს „თი ბი სი ბანკი“
საიდ. კოდი: 204995176
ბანკის კოდი: TBCBGE22
ანგარიში: # GE02TB0600000102467636

ს/ს „საქართველოს ბანკი“
ს/კ 400263889
ბანკის კოდი BAGAGE22
ანგარიში: # GE05BG0000000161102491

მობ:555278273

დავით ვარდიაშვილი

დავით სეჟანია

მმართველთა საბჭოს წევრი

დირექტორი

დანართი #1
ფასების ცხრილი

#	საქონლის დასახელება	რაოდენობა	განზ.	მწარმოებელი კომპანია	მოდელი ან/და სასაქონლო ნიშანი	ერთეულის ფასი დღგ-ს ჩათვლით (ლარი)	ჯამური ფასი დღგ-ს ჩათვლით (ლარი)
1	2	3	4	5	6	7	8
1	კომპრესორი ღებვის პისტოლეტით	1	კომპლ	RockForce RockForce Partner	RF-BM25/50 RF-1410-10M H-827-2V	1534,00	1534,00
2	კომპრესორი ელ. მოწყობილობების შესაღებად	1	ცალი	RockForce	RF-BM25/50	1121,00	1121,00
3	კომპრესორის პულივიზატორი	10	ცალი	ECO	SG-5000	88,50	885,00
4	კომპრესორის წნევაგამძლე მილი	30	მეტრი	RockForce	RF-AHC-52A	17,70	531,00
5	მაგიდის ცირკურალური ხერხი	1	ცალი	MAKITA	MLT100	2714,00	2714,00
6	რეისმუსი	1	კომპლ	ЗУБР	CP-330-1800	2675,06	2675,06
7	პერფერატორი (საშუალო)	2	კომპლ	CROWN	CT18108 BMC	442,50	885,00
8	ბეტონმრევი	1	ცალი	Skipper	CM-600	9676,00	9676,00
9	ელექტრო ხრახნდამჭერი	6	კომპლ	Worx	WX373	1062,00	6372,00
10	ელექტრო სახვრეტელა ჩაქუჩით	6	კომპლ.	Ryobi	RPD800-K	365,80	2194,80
11	კუთხსახეხი	6	ცალი	ЗУБР	УШМ-П230-2100 ПБ	413,00	2478,00
12	პერფერატორი (დიდი)	1	კომპლ.	INGCO	RH18008	472,00	472,00
	საერთო ღირებულება დღგ-ს ჩათვლით						31537,86

ხელშეკრულების ღირებულება დღგ-ს ჩათვლით შეადგენს 31537,86 (ოცდათერთმეტი ათას ხუთასოცდაჩვიდმეტი ლარი და 86 თეთრი) ლარს. ხელშეკრულების ღირებულება ითვალისწინებს ყველა ხარჯს, მათ შორის შემსყიდველის მისამართამდე (ქ. თბილისი, ქიმიკონსტრუქციის ქ. #29. სსე-ს მატერიალურ-ტექნიკური ბაზა) ტრანსპორტირების ხარჯებს.

„შემსყიდველი“:

სს „საქართველოს სახელმწიფო

ელექტროსისტემა“

დავით ვარდიშვილი

მმართველთა საბჭოს წევრი

„მიმწოდებელი“

შპს „დი ეს“

დავით სეკანია

დირექტორი

დანართი #2

ტექნიკური პარამეტრები

#	საქონლის დასახელება	საქონლის ტექნიკური პარამეტრები	რაოდენობა	განზ.
1	კომპრესორი ღებვის პისტოლეტით	1. ტიპი: ცილინდრული; ზეთიანი; 2. ძაბვა: 220-240ვ; 3. სიხშირე: 50ჰც; 4. სიმძლავრე: არანაკლებ 1500 ვატი; 5. სიჩქარე: არანაკლებ 2850 ბრ/წთ, 6. ავზის მოცულობა: არანაკლებ 50 ლიტრი; 7. სამართავი წნევა: 8 ბარი; 8. კომპლექტაცია: ჰაერის მილი უნივერსალური გადამყვანით: (სიგრძე: არანაკლებ 10მ;) და პულივიზატორი (საქმენის (ფრეკვენა) ზომა: 1,3÷1.8 მმ; საღებავის მოცულობა: 0,60÷1,5ლ; სამუშაო წნევა: 2.0÷3.5ბარი)	1	კომპლ
2	კომპრესორი ელ. მოწყობილობების შესაღებად	1. ტიპი: ცილინდრული; ზეთიანი; 2. ძაბვა: 220-240ვ; 3. სიხშირე: 50ჰც; 4. სიმძლავრე: არანაკლებ 1500 ვატი; 5. სიჩქარე: არანაკლებ 2850 ბრ/წთ, 6. ავზის მოცულობა: არანაკლებ 50 ლიტრი; 7. სამართავი წნევა: 8 ბარი;	1	ცალი
3	კომპრესორის პულივიზატორი	1. საღებავის მოცულობა - 0,75-1,0ლ (მეტალის ძაბრი); 2. საქმენის (გამომფრქვევი) ზომა: 1,5÷1,7; 3. სამუშაო წნევა - 2.0÷3.5ბარი; 4. წონა: არაუმეტეს 1.7 კგ;	10	ცალი
4	კომპრესორის წნევაგამძლე მილი	1. უწყვეტი ნაჭერი 30 მეტრიანი; 2. უნივერსალური გადამყვანით; 3. შიდა დიამეტრი: 8მმ;	30	მეტრი
5	მაგიდის ცირკურალური ხერხი	1. ტიპი: სტაციონალური; 2. ძაბვა: 220-240ვ; 3. სიხშირე: 50ჰც; 4. სიმძლავრე: არანაკლებ 1500ვტ; 5. დისკის დიამეტრი: არანაკლებ 255მმ; 6. ბრუნვის სიხშირე: არანაკლებ 4200 ბრ/წთ; 7. მაქსიმალური ჭრის სიღრმე 90°-ზე: არანაკლებ 90მმ; 8. მაქსიმალური ჭრის სიღრმე 45°-ზე: არანაკლებ 40მმ; 9. წონა: 30÷50კგ;	1	ცალი
6	რეისმუსი	1. ძაბვა: 220-240ვ; 2. სიხშირე: 50ჰც; 3. სიმძლავრე: არანაკლებ 1800ვტ; 4. ბრუნვის სიხშირე: არანაკლებ 8500 ბრ/წთ; 5. დამუშავების მაქს. სიგანე: არანაკლებ 300მმ; 6. დამუშავების მაქს. სისქე: არანაკლებ 150მმ; 7. წონა: არაუმეტეს 40კგ; 8. კომპლექტაცია: სპეც. გასაღები; დანების შესაცვლელი;	1	კომპლ.

7	პერფერატორი(საშუალო)	1.ძაბვა: 220-240ვ; 2. სიხშირე: 50ჰც; 3. სიმძლავრე: არანაკლებ 800ვ; 4. მუშაობის რეჟიმები: 3 (ბურღვა, დარტყმითი ბურღვა, დარტყმის რეჟიმი); 5.სამაგრის ტიპი: SDS+ 6. დარტყმის სიხშირე: არანაკლებ 4000 დარტ./წთ 7. ბრუნვის სიხშირე: არანაკლებ 900 ბრ/წთ; 8.დარტყმის ენერგია: 2,7÷3,5 ჯოული; 9. წონა: არაუმეტეს 4კგ; 10.კომპლექტაცია: სახელური; ჩემოდანი; ბურღვის სიღრმის მარეგულირებელი;	2	კომპლ
8	ბეტონმრევი	1. დოლურის მოცულობა: არანაკლებ 600ლ; 2. ჩატვირთვის მოცულობა: არანაკლებ 500ლ; 3.ძაბვა: 380ვ; 4. სიმძლავრე: არანაკლებ 2.2კვტ; 5. წონა: არაუმეტეს 500კგ;	1	ცალი
9	ელექტრო ხრახნდამჭერი	1. მაქსიმალური ბრუნვის სიჩქარე - არანაკლებ 2000 ბრ/წთ; 2. სიჩქარის რაოდენობა - არანაკლებ 2/600/2000 ბრ/წთ; 3. ბრუნვის მომენტის რეგულირება - არანაკლებ 20 + ბურღვა; 4. ვაზნის დიამეტრი - არანაკლებ 10მმ; 5. მუშაობის ხანგრძლივობა - არანაკლებ 2 სთ; 6. აკუმულატორის მოცულობა - არანაკლებ 2000 მლა; 7. აკუმულატორების დამტენი მუშა ძაბვა - 220ვ - 240 ვოლტი. 8. განათება; 9. ელექტრო ხრახნ დამჭერის მუშა ძაბვა - არანაკლებ 12 ვოლტი. 10. კომპლექტაცია - 2 აკუმულატორი, ჩემოდანი;	6	კომპლ.
10	ელექტრო სახვრეტელა ჩაქუჩით	1. სიმძლავრე - არანაკლებ 700 ვატი; 2. დარტყმის სიხშირე - არანაკლებ 50000 წთ; 3. მაქსიმალური ბრუნვის სიჩქარე - არანაკლებ 2900 ბრ/წთ; 4. ვაზნის დიამეტრი - არანაკლებ 1,5-13 მმ; 5. კაბელის სიგრძე - არანაკლებ 2 მეტრი; 6. მუშა ძაბვა - 220-240 ვოლტი 50 ჰერცი. 7. კომპლექტაცია - სიღრმის მარეგულირებელი, დამატებითი სახელური, ქეისი.	6	კომპლ.
11	კუთხსახეხი	1. სიმძლავრე - არანაკლებ 950 ვატი; 2. დისკის დიამეტრი - არანაკლებ 115მმ; 3. მაქსიმალური ბრუნვის სიჩქარე - 6000 ბრ/წთ; 4. კაბელის სიგრძე - არანაკლებ 2,5 მეტრი; 5. მუშა ძაბვა - 220-240 ვოლტი 50 ჰერცი.	6	ცალი
12	პერფერატორი (დიდი)	1. სიმძლავრე - არანაკლებ 1500 ვატი; 2. დარტყმის სიხშირე - არანაკლებ 4000 წთ; 3. მაქსიმალური ბრუნვის სიჩქარე - არანაკლებ 800 ბრ/წთ; 4. დარტყმის ენერგია - არანაკლებ 7 j; 5. ვაზნის დიამეტრი - არანაკლებ 1,5-52 მმ; 6. კაბელის სიგრძე - არანაკლებ 4 მეტრი; 7. მუშა ძაბვა - 220-240 ვოლტი 50 ჰერცი; 8.კომპლექტაცია - სიღრმის მარეგულირებელი, დამატებითი სახელური, ქეისი, 3ც SDS +ბურღი, 1ც სანგრევი, 1ც ლოჯი.	1	კომპ.
საქონელი უნდა იყოს ქარხნული, ექსპლუატაციაში არმყოფი (არ უნდა იყოს აღდგენილი და მეორადი).				

„შემსყიდველი“:

სს „საქართველოს სახელმწიფო ელექტროსისტემა“

დავით ვარდიშვილი

მმართველთა საბჭოს წევრი

„მიმწოდებელი“

შპს „დი ეს“

დავით სეჟანია

დირექტორი